

Fond za zaštitu depozita
Podgorica, 28.11.2018. godine

Održana III sjednica Upravnog odbora Fonda za zaštitu depozita

Upravni odbor Fonda za zaštitu depozita održao je treću sjednicu, kojom je predsjedavao predsjednik Upravnog odbora Fonda Dejan Vujačić.

Upravni odbor Fonda je razmotrio i usvojio Program rada Fonda za zaštitu depozita za 2019. godinu. Programom rada utvrđeni su prioriteti rada Fonda u 2019. godina, a sačinjen je na bazi aktivnosti koje su započete u 2018. godini i aktivnosti predvidljivih u 2019. godini.

Upravni odbor Fonda je razmotrio i usvojio Finansijski plan Fonda za zaštitu depozita za 2019. godinu. Finansijski Plan za 2019. godinu je pripremljen na osnovu broja zaposlenih, obaveza i aktivnosti planiranih za 2019. godinu. Polazna osnova je izvršenje finansijskog plana za 10 mjeseci 2018. godine i projekcija očekivanih finansijskih prihoda i rashoda u narednoj godini.

Upravni odbor Fonda je razmotrio izvještaj o visini ukupnih depozita, visini garantovanih depozita, obračunu i naplati redovne premije i stanju sredstava Fonda na 31.10.2018. godine. Konstatovano je da ukupna sredstva Fonda na 31.10.2018. godine iznose 111 miliona eura, ukupni depoziti 3,4 milijarde eura a garantovani depoziti 1,4 milijarde eura.

Upravni odbor Fonda je na današnjoj sjednici razmotrio i druga tekuća pitanja iz svoje nadležnosti.